



ZAPISNIK O RADU 29. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 14.10.2022. GODINE

Broj: 01-GV-02-1560/22
Sarajevo, 14.10.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Nihad Uk, zamjenik predsjedavajućeg Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
8. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
9. Mila Eminović, sekretar Gradskog vijeća

Odsutni: Dragan Stevanović, zamjenik predsjedavajućeg Gradskog vijeća (najavljeno odsustvo), Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“, Marijela Hašimbegović, predsjedavajuća Kluba gradskih vijećnica „Demokratska fronta-Enisa Spahić - Amra Zulfikarpašić“ i Bajro Biber, predsjedavajući Kluba gradskih vijećnika „USD-BOSS“.

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali: Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 12.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 28. sjednice Kolegija Gradskog vijeća, održane 04.10.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio Dnevni red** 29. sjednice Kolegija Gradskog vijeće, tako da glasi:

1. Predlaganje kandidata za članove Odbora za dodjelu „Šestoaprijske nagrade Grada Sarajeva“ za 2023. godinu iz reda istaknutih javnih djelatnika
2. Očitovanje Kolegija Gradskog vijeća o mišljenjima radnih tijela na Nacrt Programa rada Gradskog vijeća Grada Sarajeva za 2023. godinu
3. Tekuća pitanja



Ad1)

Predlaganje kandidata za članove Odbora za dodjelu „Šestoaprilske nagrade Grada Sarajeva“ za 2023. godinu iz reda istaknutih javnih djelatnika

U uvodnim napomenama Jasmin Ademović, predsjedavajući Gradskog vijeća je podsjetio članove Kolegija Gradskog vijeća da je potrebno da Kolegij, u skladu sa procedurom propisanom Odlukom o uslovima i načinu dodjele „Šestoaprilske nagrade Grada Sarajeva“, kandidira Komisiji za izbor i imenovanja Gradskog vijeća kandidate za članove Odbora za dodjelu „Šestoaprilske nagrade Grada Sarajeva“ u 2023. godini iz reda istaknutih javnih djelatnika.

Podsjetio je da Komisija za izbor i imenovanja utvrđuje Prijedlog Odluke o imenovanju Odbora za dodjelu „Šestoaprilske nagrade Grada Sarajeva“ u 2023. godini i upućuje ga Gradskom vijeću na razmatranje i usvajanje.

Naglasio je da je bitno da Gradsko vijeće Grada Sarajeva na 20. sjednici, koja će se održati u srijedu 26.10.2022. godine, donese Odluku o imenovanju Odbora za dodjelu „Šestoaprilske nagrade Grada Sarajeva“ u 2023. godini, kako bi Odbor mogao na vrijeme početi s radom.

Upoznao je članove Kolegija Gradskog vijeća da je Odluka o uslovima i načinu dodjele „Šestoaprilske nagrade Grada Sarajeva“ objavljena u „Službenim novinama Kantona Sarajevo“ broj 41/22 dana 13.10.2022. godine, te je danas stupila na snagu.

Zatim je Jasmin Ademović, predsjedavajući Gradskog vijeća konstatovao da su klubovi gradskih vijećnika, do održavanja sjednice Kolegija Gradskog vijeća, dostavili sljedeće prijedloge:

- Klub gradskih vijećnika Naroda i Pravde - Doc.dr. Šahim Kahrmanović i Mirza Pašić
- Klub gradskih vijećnika Stranke demokratske akcije - Prof. dr. Hadžan Konjo
- Klub gradskih vijećnika Naše stranke - Edin Deljkić
- Klub gradskih vijećnika „USD-BOSS“ - Mirsada Murtić, dr.sc.

Muamer Mekić, predsjedavajući Kluba gradskih vijećnika Socijaldemokratske partije BiH je, na samoj sjednici Kolegija Gradskog vijeća, iznio prijedlog Kluba gradskih vijećnika Socijaldemokratske partije BiH da se u Odbor za dodjelu „Šestoaprilske nagrade Grada Sarajeva“ u 2023. godini iz reda istaknutih javnih djelatnika imenuje prof.dr. Jasmina Selimović te se obavezao da će, po završetku sjednice Kolegija, dostaviti biografiju kandidatkinje.

Nakon rasprave, na prijedlog **Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno je usvojio sljedeći zaključak:**

1. Kolegij Gradskog vijeće kandidira Komisiji za izbor i imenovanja Gradskog vijeća kandidate za članove Odbora za dodjelu „Šestoaprilske nagrade Grada Sarajeva“ u 2023. godini iz reda istaknutih javnih djelatnika, i to:
 1. Prof. dr. Jasmina Selimović
 2. Prof.dr. Hadžan Konjo
 3. Doc. dr. Šahim Kahrmanović
 4. Mirsada Murtić, dr.sc.
 5. Mirza Pašić
 6. Edin Deljkić
2. Ovaj zaključak Kolegija se, zajedno sa biografijama kandidata, upućuje Komisiji za izbor i imenovanja na dalje postupanje.

Ad 2)

Očitovanje Kolegija Gradskog vijeća o mišljenjima radnih tijela na Nacrt Programa rada Gradskog vijeća Grada Sarajeva za 2023. godinu

U uvodnim napomenama, **Jasmin Ademović, predsjedavajući Gradskog vijeća** je podsjetio članove Kolegija Gradskog vijeća da je, uz poziv za sjednicu, dostavljeni radni materijal. Očitovanje Kolegija Gradskog vijeća Grada Sarajeva o mišljenjima radnih tijela Gradskog vijeća na Nacrt Programa rada Gradskog vijeća Grada Sarajeva za 2023. godinu.

Upoznao je članove Kolegija Gradskog vijeća da su Nacrt Programa rada Gradskog vijeća Grada Sarajeva za 2023. godinu razmatrala sva radna tijela te da većina radnih tijela nije imala prijedloge, primjedbe i sugestije obzirom da su njihovi prijedlozi, ranije, uvršteni u Nacrt Programa.

Naglasio je da su prijedloge, primjedbe i sugestije imala radna tijela, i to:

- Odbor za informatiku i telematiku,
- Komisija za spomenike, i
- Odbora za urbanizam i upotrebu lokalnog zemljišta.

Jasmin Ademović, predsjedavajući Gradskog vijeća je podsjetio da je u radnom materijalu Očitovanja Kolegija Gradskog vijeća Grada Sarajeva predloženo da Kolegij Gradskog vijeća usvoji navedeno očitovanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

1. Kolegij Gradskog vijeća je donio Očitovanje Kolegija Gradskog vijeća o mišljenjima radnih tijela Gradskog vijeća o Nacrtu Programa rada Gradskog vijeća Grada Sarajeva za 2023. godinu, koje se prilaže uz ovaj zaključak.
2. Zadužuje se Stručna služba za poslove Gradskog vijeća da prihvaćene prijedloge uvrsti u tekst Nacrta Programa rada Gradskog vijeća Grada Sarajeva za 2023. godinu koji se upućuje Gradskom vijeću na razmatranje.

Ad3)

Tekuća pitanja

Jasmin Ademović, predsjedavajući Gradskog vijeća je najavio da će u prijedlog dnevnog reda jedne od narednih sjednica Kolegija Gradskog vijeća uvrstiti razmatranje Informacije JP „Sarajevo“ d.o.o. - Odgovor JP „Sarajevo“ d.o.o. na Zahtjev za postupanje Pravobranilaštva Grada Sarajeva broj: 01-08-Gp-88/22 od 16.09.2022. godine, a koja se odnosi na izvođenje radova izgradnje poslovnog objekta na mjestu porušenog hotela i radova vanjskog uređenja parcele na lokalitetu „Vidikovac-Trebević“.

Jasmin Ademović, predsjedavajući Gradskog vijeća je najavio da će na sjednici Kolegija Gradskog vijeća, a prije upućivanja na sjednicu Gradskog vijeća Grada Sarajeva, biti razmatran Prijedloga Deklaracije o osudi stavova Zorana Milanovića prema Bosni i Hercegovini obzirom da je Gradsko vijeće Grada Sarajeva na 19. sjednici odlučilo da se rasprava o predloženoj Deklaraciji odloži, na prijedlog podnosioca Prijedloga Deklaracije.

U raspravi koja je uslijedila učestvovali su članovi Kolegija **Seid Škaljić, Toni Vukadin i Mirela Džehverović, zamjenica Predsjedavajućeg Gradskog vijeća.**

Jasmin Ademović, predsjedavajući Gradskog vijeća je upoznao članove Kolegija da postoji potreba da se u mjesecu oktobru održi još jedna sjednici Kolegija Gradskog vijeća, a radi priprema za sjednicu Gradskog vijeća Grada Sarajeva polovinom mjeseca novembra, na kojoj

bi se razmatratio Nacrt Budžeta Grada Sarajeva za 2023. godinu i Nacrt Odluke o izvršavanju Budžeta Grada Sarajeva za 2023. godinu.

Aida Bajramović, rukovodilac Stručne službe za poslove kabineta i poslove Gradske uprave je, u ime Gradonačelnice, obavijestila Kolegij Gradskog vijeća da će Gradonačelnica, kao ovlaštenu predlagač, na 20. sjednicu Gradskog vijeća uputiti Prijedlog Odluke o davanju saglasnosti za osnivanje regionalne Mreže projektnih timova, na razmatranje.

Obzirom da pod ovom tačkom dnevnog reda nije bilo prijedloga za raspravu, **Jasmin Ademović**, predsjedavajući Gradskog vijeća je zaključio sjednicu Kolegija Gradskog vijeća u 12.30 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.

Očitovanje Kolegija Gradskog vijeća Grada Sarajeva

o primjedbama, prijedlozima i sugestijama radnih tijela Gradskog vijeća Grada Sarajeva, iznesenim u mišljenjima radnih tijela, u povodu razmatranja Nacrta Programa rada Gradskog vijeća Grada Sarajeva za 2023. godinu

I. Uvod

Kolegij Gradskog vijeća Grada Sarajeva je, na svojoj sjednici održanoj u utorak, 04.10.2022. godine, utvrdio Nacrt Programa rada Gradskog vijeća Grada Sarajeva za 2023. godinu i uputio ga Gradskom vijeću na razmatranje.

U pripremi odražavanja 20. sjednice Gradskog vijeća Grada Sarajeva, materijal su razmatrala radna tijela Gradskog vijeća i formulirala određene primjedbe, prijedloge i sugestije.

1. Mišljenje Odbora za informatiku i telematiku

Odbor za informatiku i telematiku sugeriše Gradskom vijeću Grada Sarajeva da razmatra *Nacrt Programa rada Gradskog vijeća Grada Sarajeva za 2023. godinu* kako je predložen i uputi ga u javnu raspravu, s tim da se u Nacrt Programa Gradskog vijeća Grada Sarajeva za 2023. godinu uvrste i sljedeće teme:

- **INFORMACIJA O REALIZACIJI PROJEKTA REVITALIZACIJE BOB STAZA TREBEVIĆ**
 - Rok: juni
- **INFORMACIJA O REALIZACIJI PROJEKTA UREĐENJA PLATOA KASARNE JAJCE**
 - Rok: juni
- **INFORMACIJA O REALIZACIJI PROJEKTA IZGRADNJE POSLOVNO UGOSTITELJSKOG OBJEKTA VIDIKOVAC**
 - Rok: mart

Očitovanje Kolegija

Prijedlog se prihvata, tako što se u Nacrt Programa rada Gradskog vijeća Grada Sarajeva za 2023. godinu, uvrštavaju predložene teme i to kako slijedi:

5.1. Informacija o realizaciji Projekta izgradnje poslovno ugostiteljskog objekta Vidikovac

Predlagača: Gradonačelnica

Pravni osnov: Statut Grada Sarajeva

Rok: mart

Kratak sadržaj: Informacija o realizaciji projekta

Razlozi za predlaganje: Potrebno je da Gradsko vijeće bude redovno informirano o mjerama i aktivnostima provedenim s ciljem realizacije odluke Gradskog vijeća o pristupanju projektu.

5.2. Informacija o realizaciji Projekta revitalizacije bob staze Trebević

Predlagača: Gradonačelnica

Pravni osnov: Statut Grada Sarajeva

Rok: juni

Kratak sadržaj: Informacija o realizaciji projekta

Razlozi za predlaganje: Potrebno je da Gradsko vijeće bude redovno informirano o mjerama i aktivnostima provedenim s ciljem realizacije odluke Gradskog vijeća o pristupanju projektu.

5.3. Informacija o realizaciji Projekta revitalizacije uređenja platoa ispred bivše zgrade Kasarne „Jajce“

Predlagača: Gradonačelnica

Pravni osnov: Statut Grada Sarajeva

Rok: juni

Kratak sadržaj: Informacija o realizaciji projekta

Razlozi za predlaganje: Potrebno je da Gradsko vijeće bude redovno informirano o mjerama i aktivnostima provedenim s ciljem realizacije odluke Gradskog vijeća o pristupanju projektu.

2. Mišljenje Komisije za spomenike

Komisija za spomenike sugeriše Gradskom vijeću Grada Sarajeva da razmatra *Nacrt Programa rada Gradskog vijeća Grada Sarajeva za 2023. godinu* kako je utvrđen i uputi ga u javnu raspravu, uz podršku intervencije predstavnika Gradonačelnice da se Odluka o podizanju Spomen-ploče Marku Didoiju – Markanu, planira donijeti do kraja tekuće godine, te da je potrebno izostaviti (iz Nacrta Programa rada Gradskog vijeća Grada Sarajeva za 2023. godinu) razmatranje ove odluke i u formi nacrtu i u formi prijedloga.

Očitovanje Kolegija

Prijedlog se prihvata, tako što se iz Nacrt Programa rada Gradskog vijeća Grada Sarajeva za 2023. godinu izostavljaju navedene teme.

3. Mišljenje Odbora za urbanizam i upotrebu lokalnog zemljišta

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra Nacrt Programa rada Gradskog vijeća Grada Sarajeva za 2023. godinu kako je utvrđen i uputi ga u javnu raspravu, uz uvažavanje sljedećih prijedloga.

- 3.1. U Oblasti III - Urbano planiranje i upotreba lokalnog zemljišta, potrebno je u temi broj 1. Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, ispraviti tehničku grešku u dijelu napomene, tako da umjesto: „Tema u 2022. godini uvrštena na prijedlog Odbora za urbanizam i upotrebu lokalnog zemljišta, prenosi se u 2022. godinu“ glasi: „Tema u 2022. godini uvrštena na prijedlog Odbora za urbanizam i upotrebu lokalnog zemljišta, prenosi se u 2023. godinu“.

- 3.2. U temi broj 20. Elaborat o lokacijama za postavljanje bilborda, kioska i ostalog mobilijara u pojasu korita rijeke Miljacke, navesti kao pravni osnov, u razlozima za predlaganje, Zakon o vodi i Odluka o korištenju, održavanju i čuvanju uređenih korita i obala vodotoka na području Grada Sarajeva, jer se realizacija ove teme veže sa rokom donošenja novog gradskog propisa.
4. Radna tijela koja su uputila sugestiju Gradskom vijeću da razmatra Nacrt Programa rada Gradskog vijeća za 2023. godinu kako je i utvrđen i u svojim mišljenima nisu iznijela primjedbe ili prijedloge su:
- **Mandatsko imunitetska komisija**
 - **Komisija za Statut i akte**
 - **Administrativna komisija**
 - **Etičko vijeće**
 - **Komisija za jednakopravnost spolova**
 - **Odbor za lokalni biznis i turizam**
 - **Komisija za ljudska prava i slobode**
 - **Komisija za odnose s vjerskim zajednicama i crkvama**
 - **Komisija za međunaordnu suradnju**
 - **Odbor za budžet i finansije**
 - **Odbor za društvene djelatnosti**
 - **Komisija za pitanja mladih**
 - **Komisija za izbor i imenovanja**
 - **Odbor za jvne službe, infrstrukturu i javni saobraćaj**
 - **Komisija za drugostepeno upravno rješavanje**
 -

II. Umjesto zaključka

Očekuje se od Gradonačelnice da, prijedloge za teme koje se predlažu za rad Gradskog vijeća za 2023. godinu kojima je predlagač, dopuni sadržajem u skladu s Poslovníkom Gradskog vijeća, tako da bude jasan rok u kome bi se određena tema trebala razmatrati na sjednici Gradskog vijeća; pravni osnov za rad Gradskog vijeća po određenoj temi, odnosno za predlaganje teme; forma i osnovni sadržaj materijala koji se planira uputiti Gradskom vijeću na razmatranje, te razlozi za predlaganje tema, odnosno finansijska sredstva.

- III. Usvojeno očitovanje je prilog zapisnika o radu sjednice Kolegija Gradskog vijeća Grada Sarajeva na kojoj se očitovanje usvoji.